

1909

年

第

卷

2252

第

2260

期

大清宣統元年十月初一日

開設河北獅子林

北洋官報

目錄

宮門抄

奏議○直督奏建築諮議局銀兩片△直提姜請錄用已
革提督片△又奏請將總兵送引片△蘇撫瑞奏陳籌
備憲政成績摺
公牘○督憲札一件△商會稟一件△獻縣稟一件
文告三則△電報七則△新聞十二則
彙編○西伯利亞鐵道之輸送力△空中飛行器之歷史

本局 第一百十七期 法政學報 已出

宮門抄

九月三十日 陸軍部 變輿衛 廂白旗值日 曹汝霖謝授外務部右丞 恩 崇勳佩帶印鑰謝

恩 景恩謝稽查 壇 廟 恩 岐公假滿請 安 陸軍部奏派查齋大臣 派出豐

陸阿 恒順 常山 奎順 李殿林 祥普 色楞額 英信 召見軍機 曹汝霖

奏議錄要

直隸總督端奏建築諮議局銀兩由運庫加撥片

再查順直諮議局前經估工建築並由運庫動撥銀十二萬兩以資興繕業經前署督臣那桐奏咨在案嗣准憲政編查館咨覆議堂坐位以半圓形逐層排列為宜當飭籌辦處督飭工人照式改定較原估工料增多切實核計須

西歷一千九百九年十一月十三號

禮拜六

第一千二百五十二冊

再加撥銀三千兩方能成事該局工程浩大構造需時交工期限亦擬稍予展緩本年諮議局會所暫時借地辦理據諮議局籌辦處詳請奏咨前來奴才覆核無異除將此項銀兩仍飭由運庫籌撥並分咨查照外理合附片具陳伏乞 聖鑒訓示謹 奏宣統元年九月二十五日奉 硃批該衙門知道欽此

直隸提督姜桂題奏請將已革記名提督韓大武送引聽候錄用片

再查降二級賞還職銜已革頭品頂戴記名提督韓大武久經戰陣曉暢戎機器識宏深性情樸實上年正月經前提督臣馬玉崑咨調武衛右軍奴才復於斯月奏調隨赴江防差遣蒙 恩俞允欽遵在案奴才派委該員統

帶右路步隊旋調充總理營務處差使該員精心毅力爲守兼優撫循士卒猶如家人父子及至考功執法不肯假借絲毫深得將兵要領奴才蒙 恩調充武衛左軍該員隨同北來仍充前項要差整飭軍隊勞怨不辭深資臂

助查其獲咎之由緣光緒二十九年九月前任皖撫臣聶緝棻奉 命調任去皖之時適前江督臣有爲該員

奏保堪勝壽春鎮之議撫臣聶緝棻疑其有鑽營情事因以顛預庸鄙工於鑽營八字奏參革職實則該員百戰餘生派膺專閫在皖充當防軍統領十有餘年爲歷任疆臣所倚重該員並未權畧一缺其爲循分供職不事營求已

可概見卽原參考語亦屬籠統字樣並無實在劣蹟且該員被勘之後益自奮勉伏處山林不忘 君國來營已及二載歷著勞勩其忠勇之氣老而彌篤奴才竊思 朝廷勵精圖治百度維新搜羅將才有勞必錄似此功多

宿將若以一眚之微廢棄終身未免可惜合無仰懇 天恩俯准送部引 見聽候 錄用出自 逾格

鴻慈奴才爲激勵將才起見是否有當謹附片具陳伏乞
批韓大武著送部引見欽此

聖鑒訓示謹 奏宣統元年九月十二日奉

北京圖書

硃

又奏請將記名總兵馬文翰送引聽候錄用片

再奴才仰沐 朝廷知遇之恩時懷以人事 君之義竊嘗留心人才以供 聖明任使查有記名總兵馬

文翰初隸嵩武軍驍健善戰卽有勇名繼隨前提臣宋慶馬玉崑近二十年無役不從歷著勞勩光緒三十三年該

員辦理中立防務異常出力蒙 特恩准馬玉崑奏保將該員以總兵記名遇缺請 旨簡放奴才夙知其

能茲充本軍營務處兼帶步隊一營能與士卒同甘苦講求新操不遺餘力春夏季考成效可觀其志趣忠純識見

遠大才華卓越操履端嚴實堪勝專閫之任奴才既有所知不敢壅於 上聞合無仰懇 天恩俯准將記名

總兵馬文翰送部引 見聽候 錄用出自 恩施謹附片具陳伏乞 聖鑒訓示謹 奏宣統元年九

月十二日奉 硃批馬文翰著送部引見欽此

江蘇巡撫瑞澂奏臚陳蘇省籌備憲政成績並接辦情形摺

奏爲遵章臚陳蘇省第二屆籌備憲政成績並接續辦理情形恭摺仰祈 聖鑒事竊查蘇省籌備憲政第一年

期第一屆成績業經前任撫臣陳啓泰於閏二月間分別奏咨在案本年籌備期限應以六月底爲第二屆照章於

八月內具奏咨報惟是奴才係於五月間接任視事先經遵章將前任辦理情形分別奏明迨八月間因督臣張人

駿到任未久正值辦理諮議局成立各事宜往返籌商稍稽時日未能依限奏報實深惶悚查逐年籌備清單第二

年內督撫應辦者計分八項內除資政院選舉章程未經頒布尙待舉辦外其餘七項有爲第二屆籌備已略著成

績者有係現今接續辦理以促進行者謹爲我 皇上縷晰陳之一曰舉行諮議局選舉各省一律開辦查江蘇

蘇松常鎮太四府一直隸州合選舉資格者共五萬九千六百四十三人照章核配蘇州府應選議員十一名松江

府應選議員十五名常州府應選議員二十一名鎮江府應選議員十一名太倉直隸州應選議員八名京口駐防

專額議員二名共計六十八名初選當選人則六百八十名均於三月十五日舉行複選按期蒞事惟各府州議員

類皆重選再三始足正額如有議員辭職卽須缺額遵章雖可補選究恐展轉需時當經電商憲政編查館覆准照

議員原額之數加半預選現在議員辭職以候補人遞補者已五六名此在第二屆期內籌備已有成績選舉既竣爲議員研究之期先經批准赴各屬實地調查俾於通省利病地方治安有指陳籌計之準備復於八月朔日會同督臣先期召集並由奴才提出議案以備九月初一日正式開會仍隨時欽遵 諭旨以共體時艱同據忠愛相助勉此接續辦理之情形一也一曰籌辦城鎮鄉自治設立自治研究所查地方自治事宜自本年四月間改由諮議局籌辦處兼理釐定辦事章程頒布進行期限此在第二屆業經籌備經奴才專摺 奏咨在案各屬籌備自治皆先從城廂入手迭經飭令各地方官遴選紳董設所調查七月以前均經具報開辦現在畫定各城廂區域一遵章程以固有之境界爲準繪圖貼說詳確區分其各鎮鄉風氣開通陳請提前先辦者如嘉定縣之西門鄉崇明縣之羅甸廠寶山縣之吳淞鎮等處亦經飭令舉辦切實推行總使人民遵守法律之範圍講求地方之公益至省城自治研究所雖六月間即經籌定以適在暑假期內故七月十五日始行開講計分兩學期於宣統二年五月可以畢業屆時再行派赴各屬遞相傳習其各屬士紳自請遵章設立者如太倉州長洲元和吳縣青浦寶山等處核與定章相符即准令先期開辦此接續辦理之情形二也一曰調查人戶總數江蘇戶口殷繁從事調查必須規定區段當以各屬城治爲基本推及鎮鄉與自治事宜相因組合此在第二屆期內業經籌畫限七月初一日一律舉行本年十月以前照章彙報一次容當加意督催勉副期限此接續辦理之情形三也一曰調查歲出入總數蘇省清理財政事宜於本年閏二月設局詳譯部定章程參訪甯局體例舉署局營校以爲綱列管收除在以爲柱擬定各項冊式並辦事進行表調取各處冊件期限表分別督催而以核編季報尤爲扼要綜計蘇屬各署關局所學校營隊應造報告者一百餘處計冊一百四十三分此在第二屆期內已逐漸籌備現在勒限嚴催各處春夏季報已得過半之數仍疊飭迅速清釐認真稽核毋誤咨部期限此接續辦理之情形四也一曰籌備省城及商埠各級審判廳查江蘇籌辦司法獨立業於臬司衙門設審判廳籌辦處爲提挈綱領之區甯蘇兩省城設研究所爲養成法官之備惟吾國行政司法向不區分創辦之初關係至重故在第二屆期內經前督撫臣往復咨商迄未得其要領現擬擬具辦法大要十條業已會同督臣張人駿開單具奏並將尙未籌定各端咨商法部外務部核議示覆有案仍督飭臬司按照所擬各節趕爲籌備此接續辦理之情形五也一曰創設廳州縣簡易識字學塾查簡易識字及

國民必讀各課本尙未奉部頒發前經蘇提學司詳請省城設立模範學塾十所塾師補習所一所先咨取山東所編課本參酌教授此在第二屆期內早經籌定嗣准山東提學使函送暫用課本前來查與蘇省情形不盡合用現由學司派員趕速酌編此接續辦理之情形六也一曰各廳州縣巡警限年內一律粗具規模查巡警責在保衛治安辦理尤未容苟簡而欲各廳州縣日求進步更賴省城有督促之機關各屬應設警兵名額雖經於第二屆期內籌定勉招足數訓練初加難期急效嗣經奴才於會議廳集議先經飭令各屬遵章設立教練所力除保甲團練更名抵充之弊限十月內將前定名額一律辦齊又將新設警務處歸併向有之巡警總局按照部章改爲巡警公所咨調北洋辦理警務員弁十餘員以整頓省會警務爲各屬之表率此接續辦理之情形七也以上七端除諮議局業已成立外餘皆甫具規模尙期力求實踐奴才材識庸愚何敢遽言成績惟有認真督率計日程功以仰副朝廷勤政愛民之至意所有依限奏報第二屆成績暨接續辦理情形除咨報憲政編查館外謹會同兩江督臣張人駿恭摺具陳伏乞

皇上聖鑒訓示謹 奏宣統元年九月二十六日奉

硃批該衙門知道欽此

公牘錄要

督憲端准學部咨擬集教育品物赴南洋賽會辦法札司查照文

爲札飭事九月十八日准 學部咨開實業司案呈准兩江總督咨開據南洋勸業會事務所案呈南洋奏辦第一次勸業會所有訂立章程分期籌備情形業經先後呈請分別奏咨在案惟以吾國此舉原屬創行其事既繁爲期尤迫而於各項出品赴會一事尤宜從速分別籌備以冀及時可以觀成臨事不至呈漏查本會前次訂行各項會章其中聲明除於各府屬設立物產會各省商埠設立出品協會及協贊會外餘凡各處衙署局所以及官立公立之勸工習藝等所專門實業公司學堂機器礦政製造局廠郵電輪船鐵路礦山等處均宜仿照各國賽會通例一體預備出品各就該處所有產造物品與業務性質及成績統計一切或備列標本或製作模型或規畫圖表定期運入會場以資陳賽而備甄較其有製造或手工各件並請特別運甯當場工作以資參考惟須先由該處報明以便預留地步茲擬訂出品分類目錄及出品簡明章程若干條錄呈分別咨請查照辦理等情據此查特別出品既

爲本會會場陳列所必需且藉以規全國事物之成績較之尋常工商人等之出品尤爲緊要除分咨各省督撫轉飭各處預備出品外相應將出品分類暨出品簡章一併備文咨送爲此咨請查核轉飭各省提學使通飭各該學務公所及各項學堂一體遵照章程迅即預備出品先行定期轉運來甯入會陳列以資比賽而益觀摩仍請先將各處籌備情形詳細賜覆等因並章程前來查南洋勸業會業經奏奉 明諭飭下各省籌辦協會出品事宜現在教育甫有萌芽尤應徵集出品以資比較而圖進步惟教育出品類較多學堂又散在各處其應如何調取如何別擇如何彙送經理之處應有畫一辦法始免參差除將南洋勸業會出品分類綱目咨行外並經本部酌定辦法數條相應咨行貴督查照辦理可也等因到本大臣准此合行札飭札到該司即便查照辦理此札

天津商會稟 督憲核議大德通稟請併案查封一案文

敬稟者竊奉 憲台批據山西大德通匯莊稟稱爲請併案查封事竊商號向與糶店街全盛祥藥材莊交易該號東掌閻懷卿即閻永圖於本年四月初二日由廣州商號電匯天津見電交伊津行平銀三千兩言明八月底期在廣州歸還又於七月十八日由廣州電匯天津見電交伊津行平一萬兩當收現銀五千兩下欠之款言定九月半期在廣州歸還不意該號東掌閻懷卿等東夥均於本月初四日全行逃逸該號兩次共欠商號本利銀八千四百兩整現聞天聚等號在商務總會具稟懇請將全盛祥所存貨物一併查封以備抵債欠款商號於初十日稟請商務總會恩准將欠商號之款併入天聚等號案內辦理十五日商會牌示來書閱悉查全盛祥虧欠該商款係由廣州電匯與天聚號等情形不同現封全盛祥存貨碍難併案辦經將來查看情形另行核辦此覆等因奉此伏思該號欠商號之款自應在廣州追收初十日接到廣州商號來電該號廣州分莊人逃貨無從追收惟有在津設法扣貨抵欠等語查該號欠款雖自廣州電匯究由天津取用情形於天聚等號不同其理則一該號廣州分號現在東夥全行逃匿貨物運往他處天津分莊尙存貨物不少若如商會批示恐欠商號之款終歸無著是以不揣冒昧仰懇 大帥格外恩施札飭商務總會查照前稟准將商號之款併入天聚等號合辦俾使商號無向隅之歎以保商業而恤商情除稟天津府縣外伏乞 恩准施行實爲德便上稟等情蒙批據稟全盛祥藥材店倒欠該號銀八千餘兩雖自廣州電匯究由天津取用現在廣州分莊人逃貨無實屬無從追取請將天津所封全盛祥貨物併

入天聚號案內辦理等語自係實情仰商務總會查明持平核辦此批稟抄發等因奉此遵查懷幫藥材商全盛祥東掌閩永圖李懷寶於八月初三日夜因債私逃津商天聚等七號控欠七萬九千餘兩現有遺存貨物稟請查封備抵職會因會虧欠各商鉅款市面恐有搖動遂准封抵以保商業旋據大德通源豐潤義善源彙恒同等號先後稟請併案備抵職會約集票莊董事錢業董事藥商董事一再核議僉以大德通義善源源豐潤均係外款與在津交易者不同自應劃清界限各追各款惟大德通赴 憲轅具控蒙批前因職會復約各董集議婉勸天聚等七號由京津存貨變價內提出銀一千二百兩交大德通義善源源豐潤三號收作在津攤分之款此外尙有不敷義善源等在申已有扣存全盛祥現款應由該商等自赴上海公廨併案追繳將來分攤多寡不與天聚等號相干此後不以爲例各該商均已應允惟天聚等號被欠較鉅勢甚危迫急於一時變賣存貨以資周轉隨卽勸令藥商董事將京津存貨連殘碎併計在內共有七百二十六件賣一萬八千七百餘兩除大德通三號等一千二百兩並運腳稅銀租棧各項外餘銀按報告到會各商欠款照股勻分以昭平允至天聚等號不敷甚鉅正擬設法追抵今據該商等將全盛祥號東閩永圖緝獲送由職會轉送地方審判應切實嚴追以保商業而示懲儆所有違飭分別議辦緣由是否有當理合稟請 大帥查核批示祇遵實爲公便肅此具稟恭叩 崇祺伏惟 垂鑒

獻縣和令紳布稟覆齊允馨請免抽地契價申底現議分別辦理文並批

敬稟者案蒙 前憲台批據卑縣民人齊允馨等赴 憲轅呈懇免抽房地契價申底一案蒙批稟單河圖均悉爾等四十八村居滏陽河西岸減河南岸隄董倡議抽收房地契價申底錢文修築滏陽東隄減河北岸於爾等村莊有害自係實情滏陽西隄減河南岸坍塌已久驟難修復其東岸北岸工程似可免抽爾等四十八村契價申底錢文以昭平允仰獻縣查照實在情形妥議詳奪抄錄稟單批發等因蒙此遵查此項房地契價申底經卑前縣呂令調元因卑縣歲修隄工迭興新政歷年派累弊竇滋多會紳決議稟蒙 前憲台批飭藩司核准每百抽收房地契價申底錢四文津貼修理隄工餘充自治之經費以除歷年攤派積弊實爲將來舉行憲政初基行之兩年民情尙無窒礙茲查奉發抄錄單內文庫張大儒卽呂前縣任內倡議紳董出爾反爾本不可解惟齊允馨等所稟四十八村居滏陽河西岸減河南岸地形卑下隄壞難修若以抽收房地契價申底修築東北河隄誠如 前憲台批示於

該村等有害不願以此錢修隄亦屬實情然因此免抽又恐政令不一紛紛效尤於新政隄工兩受影響卑職一再會同自治員紳籌商咸稱現辦新政各款照章均應就地籌有此契價串底不必另行籌劃大局既難中止該村等又不能寬免獨邀欲求不肯輿情顧全大局莫如劃清界限分別辦理可免無數貧民之攤派實屬有利無害衆議僉同爰傳齊允馨等到案剴切開導曉以所收該村等契價串底不作修隄之用飭令自治局另款存儲以一半留辦新政以一半存至年終飭該村董等領回設立學堂或興實業或辦森林以該村之款仍歸該村動用自表面視之則一律抽收免多藉口以內容論之則該村等已沾便益如此辦理庶於大局民情兩無妨碍除諭飭自治局及齊允馨等遵照辦理外理合稟請 大帥查核批示祇遵

督憲端 批據稟已悉仰布政司核飭遵照稟抄發此繳

文告錄要

督憲批示錄要○直隸協贊會司道稟請委派參議各員由 批據稟已悉該會應設之名譽參議及評議等員既經遴選有人並據稱均願各盡義務不支薪水足見維持公益同具誠懇深堪嘉尚所有王道賢寶一員候卽由本大臣札委爲該會名譽參議員俾與該司道等隨時妥商籌辦其餘熙道鈺等十員應准如稟由會分別照會札派至檢查一項現擬按照出品類目分別二十四部每部各設專員檢查亦應照准惟此項人員同係擔任會事應不支薪水諒各該員當亦樂盡義務也仰卽悉心延訪一俟派定卽將各員銜名報查繳

督理右翼稅務監督告示○爲出示曉諭事照得奉准度支部咨開本部具奏整頓田房稅契酌提加收之款抵補洋七藥稅釐一摺單一分宣統元年五月十六日奉 旨依議欽此相應刷印原奏清單恭錄 諭旨移咨

右翼監督欽遵辦理附印新章二十條等因咨行前來業經左右兩翼會同出示徧行曉諭在案檢查新章第二條內載典當房田應一律懲收典稅惟各省有按買稅減半徵收者有與買稅一律徵收者毫無區別固非持平之道大相懸殊又開取巧之端查湖南省於本年五月間奏定典當田房收稅六分適得此次加收買稅三分之一應通行各省卽照湖南奏定章程價一兩一律收稅六分此外絲毫不得多收等語查旗人等暫典房間田地例應納稅惟近年以來往往有典期已滿無力回贖再爲納稅從中希圖吝惜微細效尤已久豈不知有干例

禁若不即時整頓何以重稅課而儆效尤爲此示仰各旗人等知悉暫典房間田地每價銀一兩收稅銀六分此外並無絲毫使費典買事同一律限六個月報翼納稅如有隱匿不報一經查出或別經發覺定以漏稅科辦此係遵照部奏新章母謂言之不預也各宜凜遵毋違特示

保定工巡總局批示○小金莊村正副宋寶珍等具稟一案 批查范得成吸食洋煙雖已領有牌照第營盤附近膽敢開燈供客實屬大違禁令僅予罰充苦工本係格外從寬所請限內保釋斷難照准○商人朱立恩等具稟一案 批該園如係恪遵禁令說白清唱亦無豔曲淫詞傷碍風俗事情應准照章開演仰即查照遵辦可也○夾河舖村村正副劉一桂等具稟一案 批事關河防非尋常違警可比本總局未便提究候札飭清苑縣查勘明確集證訊斷此批

電報錄要

路透電○現据太晤斯通知萬國公會因各國設有領事口岸准其同享會議權故擬定章程以期遵守現某國上議院因此事關係甚重未肯專主必須特開萬國公會會議妥後方肯實行刻仍暫照舊章辦理

又電○英皇將肥雪爾頭等勳章賜與專管海軍事務人員

又電○倫敦西十一月十一號接到習得泥(譯音)地方報告近來牛噶斯梯(譯音)地方之煤礦出煤不多每一噸又增價至五十先令

又電○刻下東洋煙煤大宗出口甚多均往皮泥秀啦(譯音)並歐瑞太路(譯音)地方出售

又電○華盛頓電云現在該處兵官絹伯爾所帶之陸軍水軍各一隊擬在皮納麻地方操練學習建築砲台之法柏林電○德國義皮林伯爵日前接到法總統賜金寶星一個

新政紀聞

政治

分派館員參觀諮議局○憲政編查館致鄂督電云現加派館員劉主政澤熙就近同胡編修大勛參觀諮議局即希接洽又致豫撫電云各省諮議局初次召集開會本館擬遣館員分往交通省分參觀貴省即派館員顧僉事

電。前往往希即接洽又致上海道電云轉英大馬路德安里二弄張厲陸潤生京卿本館現致江督浙撫電諮議局擬遣館員分往參觀貴省即由館員陸京卿宗輿前往希即接洽等因即望查照就近往觀並電覆又致奉天河南湖北湖南各督撫電云此次由館派員參觀諮議局均已備有資斧不得餽贐供張並希飭屬遵照是爲至要電詢正副議長選舉法○憲政編查館接閩督電云據福建諮議局呈竊照諮議局章程第十條第三項議長副議長用單記投票法分次互選常駐議員用連記投票法一次互選均以得票過半數者爲當選其細則由諮議局自定謹案分次互選投票之人若係偶數而被選者只兩人得票平均適得半數皆不爲過半數若再行選舉而各投票者皆不肯往其前舉之人則雖屢選而得票平均之兩人終不能過半數此際應如何辦理可否以抽籤定之又連記互選恒有得票過半數之人逾於應選之額而其票數又適相同例如應選二人每人以得票十五爲過半數而得票十五者有三人或三人以上此際應如何去取之可否亦用抽籤之法本諮議局於互選細則第十九條規定議長副議長常駐議員之選舉有二人以上得票同數者以抽籤定其當選人是否有當相應呈請電咨解釋等語合就咨呈請電示當即電覆云銑電悉議長副議長屢選未過半數而得票適同及過半數逾額而票數相同者均應以年長之人列前年同者抽籤定之其常駐議員亦照此辦理似較周密應將此節加入諮議局互選細則

電詢諮議局章程解釋○憲政編查館接四川諮議局電云局章四十五條規則議定請督撫批准後公佈批准之義是否兼包隨時取消駁改而言又會場警衛事宜通例歸議長指揮今督筭於局定細則取消此節別飭巡警道擬定規則是否可從并請示遵當即電致川督云據四川諮議局電呈稱局章四十五條規則議定請督撫批准批准之義是否包隨時取消駁改而言又會場警衛事宜奉札別飭巡警道擬定規則是否可從請示等情查局章該條案語業經聲明細則規則係諮議局內部之事均應歸諮議局自行酌定等語此項細則規則若督撫以爲不應批准自應指明理由駁令再議至會場守衛應聽議長指揮雖由巡警道選派而不能於場內行使普通警察權除場外警察仍照通行警章辦理外所有場內守衛事宜自應歸入細則呈候貴督批准施行希轉飭遵照

電告諮議局議事權限○憲政編查館致各省督撫電云諮議局議事權限屢奉諭旨不得踰越自應恪遵辦理該局所議事件既以本省地方爲限自毋庸與京師各署文電往還除俟資政院成立後得照定章隨時報告呈請資政院核辦外現在該院未成立以前如有關係該局爭執事件暫准由督撫分別據情電咨核覆以昭慎重而清權限

電覆停選舉權之區別○憲政編查館覆川督電云噓電悉選舉章程第五章第七十七條犯本則停選舉權年限係指選舉之時犯本章罰則者而言與自治章程第十七條指明不得爲選民者無涉未便牽合希即查照此覆

外 交
咨請保護遊歷外人○督憲准外務部咨美國人懷德前赴直隸河南江蘇湖北等省遊歷又美國人恩查理携眷赴直隸江蘇山東河南等省遊歷又准魯撫咨德國副領事霍才豪擬由濟南前往東昌府臨清州並直隸順德府廣平府大名府各處遊歷又陸軍砲隊司務長伏老木陸軍司務長李村均由青島前往山東各處遊歷各等因已札飭所屬照約保護矣

咨明調補領事官○督憲准外務部咨俄國派署理哈爾濱總領事官珀佩補授實任又派駐煙台副領事官克理斯機調補駐天津領事官請飭照章接待等因已札飭津海關道查照矣

民 事
禁止煙藥攪和嗎啡○奉天警務公所刊發傳單云爲傳知事案准民政司咨稱省城各煙藥丸舖中多攪和嗎啡煙土等情已經本公所按其含量多少分別禁止發售勒令改良無不曲體人情開生民自新之路茲復恐歷久弊生爲害殊非淺鮮若不嚴行稽查求伸國法則流弊何日廓清而煙毒亦難杜絕現由本公所擬定管理章程八條告示一份一並發交各分局務擇其衝要之地粘貼俾衆咸知外另發章程三十二張每舖發給一張以俾知所循遵庶幾彼等不至執迷不悟有背厲禁禁誤投法網倘自示之後再有不知悔改復蹈前轍者彼等當亦受法無怨矣至以前禁止發售煙藥丸舖九家據查尙有照常發賣殊屬玩視之極單到速派弁長前往勒令改營別業並嚴密稽查暗地發售不得瞻徇掩飾致干不便所有勒令改良煙藥丸舖十二家並前驗無攪和嗎啡煙

七煙藥十二家並所有官藥舖等如有兼售戒煙丸者均要按舖查詢明白概限十日內各具保結並本人甘結兩份本舖發售煙藥丸兩份呈所化驗存案備查切切此傳

籌辦城鄉方里區畫○江蘇常州府自治籌辦處札飭武陽兩縣將城廂鄉圖方里繪圖列表呈核兩令奉文後卽照會籌備自治公所暨兩邑鄉董公所照辦現三公所將武陽原額不等田總數遵照農工商部奏定度量權衡畫一制度圖說總表推行章程以五百四十畝爲一方里計算武邑城鄉全境共一千五百六十餘方里陽邑城鄉全境共一千六百六十餘方里已造就圖表呈覆兩縣聞鄉之大者有一百七十餘方里圖之大者有二十五方里零城內坊廂共五方里有奇不及一圖五分之一云

飭屬開列禁煙比較表○湖北禁煙總公所日前通飭各府以所屬州縣辦理禁煙已屆一年所有上年內已戒人數若干本年內已戒人數若干未戒人數若干上年內銷煙數目若干本年內銷煙數目若干飭卽確切查明限文到十日內開列比較表據實稟覆以憑考核彙案報部

實業

南洋勸業會最近之籌備○南洋巴達維亞島商會議董梁祖祿能自製機器以中國此次開辦勸業會深願出品與賽前曾由該商會照會南洋勸業會聲明當經勸業會照覆略謂會場內本設有華僑出品陳列所一區梁君研精機械熱心祖國本會極爲歡迎云云茲聞正會長張制軍以梁君學有實用光我會場復照請爲南洋羣島協贊會協理請其組織協贊會以示優異又該會事務所坐辦陳蘭薰觀察以南洋華僑頗能熱心祖國且於工商各品多能獨出心裁故於會場內特設華僑出品陳列所藉資表彰前已呈請札委王運判樹枏前往調查聯絡一切現復以本省與各島通信機關頗形遲滯深慮有誤會期無以慰僑民之望因查悉省垣暨南學堂學生均係各島送來肄業者類多巨商縉紳子弟家庭音問自較靈通特派遺調查科員袁君康侯前往該堂演說一切並賚送各項通告章程託該生等轉寄以期鼓舞

批飭另籌工藝經費○丙午年江北水災前任淮道楊俊卿廉訪因災民子女時有匪人販買情事在浦設局收養教以粗淺工藝名賑餘工藝局所需經費向由賑捐按月支發月前賑捐局奉飭裁撤現署淮道吳觀察請於淮關雜款項下開支頃聞江督以淮關雜款內有報部之項批令吳觀察卽就淮關外銷項下撥節支用並飭將此項經費每月實需若干委員薪水伙食等項支銷若干實及貧民者確有若干詳細查明分款稟覆以憑察核

送力半年可齊集有日本六十師團之軍隊是俄之遠東大勢顯然可觀若有戰事其活潑靈動必在意計中矣
(見朝日新聞)

空中飛行器之歷史

(全上)

近來西人研究此器者其人最多茲將當時之最注意者錄之佛國有僧名拉拿者作一裝置瓦斯之球彼時人皆仿而造之雖未能至於高遠然其想像有足嘉者初製一極薄銅片空其中而圓轉如球球內即裝置瓦斯另做一小艇上懸四個銅片球中豎一桅而張帆亦如水中之艇之順風而行也蓋拉拿頗精計算球形直徑二十五尺厚一寸之二百二十五分之一此四個球之浮力確有千二百磅之力量但僅賴此千二百磅之浮力祇足以飛坐一人且不可以逆風而行惟拉拿必以銅片爲之者以防外部空氣之壓力而恐爲其破壞也自此提案一出而其偉大之名譽直播於歐西矣

十八世紀以前離佛國巴里城之四十里蒙可復之小市有操造紙之手藝者兄弟二人兄名枚文弟名約瑟一日閒坐見雲霧飛於空中遂相謂曰若將與雲霧一樣的輕薄氣而入於袋中必能向空中飛行其理固顯然可見由是製一紙袋用柴然火藏火煙於袋而閉其口袋果飛上空中比時再以布製袋圓周十五尺成一大球形用稻草然火滿裝其煙於袋中既成於千八百三年六月五日在一公衆觀覽場而放之約十分鐘而落於離原處五里餘之地此亦輕氣球發明之嚆矢也然當時但知燒草爲煙而爲輕於空氣而未知熱瓦斯之更輕於空氣也蓋熱瓦斯之以熱而升而復以冷而降者又由後人攷驗而知之也

水素瓦斯者亦在十八世紀以前英之化學家名璧提秀所發見也謂水素瓦斯以十分計算較空氣尙輕七倍其後有名留均維者又發明潛熱之作用是全歐人皆知輕氣球之有大關係惟巴里人發明最早而注意甚深如甫於斯與子山等皆博物學者終身研究此事以爲必能有成由是爲募集義捐金會以巴里大學之物理教授茶爾氏者爲監督羅波爾兄弟爲技師設一造氣球之大工場如造船廠最初製一球以絹作地而外敷以樹膠直徑十三尺餘並研究製造水素瓦斯之法

水素者用鐵磨成細粉而動之以稀硫酸而易於成者也然在茶爾氏當時尙未知分何量目裝置之法而多方比

較未得其法惟滿入之於袋中於是以十三尺餘之球費硫酸約五百磅鐵粉更加二倍既成因觀者太衆不便飛放遂移於練兵場政府亦鳴砲賀之球果飛升高至十餘丈約四十五分鐘墜落於離原處五十里之遙此爲千八百二十五年八月二十三日也

巴里之試驗既著成功矣翌年茶爾氏再於安母之地舉行試驗此次本國來觀者衆不待言矣各國國王王后以及百官公使皆欲以睹新發明之機器爲快而來觀者更多因先將氣球面上大加粉飾給以山水人物儼然月宮之水晶球其光明照人眼目球下繫以竹籠內載羊與鷄鴨等物不過八九分鐘之久飛高至千五百尺而落於離原處數十里之外落後羊與鷄皆無恙惟鴨之右足有微傷耳（見八月兵事雜誌）

前題

空中飛行器爲軍事上之一大關鍵近來歐美各國皆研究此器以爲文明之進步日人亦深知其利用之所在將來必藉以爭勝於戰場之間近於軍界上由國家公帑發出五十萬元另行組織一研究會以求發明此器之極點特詳譯西洋飛行器之歷史並其器之圖形傳播國中以資大家研究之目的今將其所譯之歷史逐一譯出以爲吾國治軍事者俾急於發起之一助倘能集思廣益如東西洋之競爭仿行自能並立於全球之上則幸甚矣

致空中飛行器之思想在歐西太古時代卽有之而其思想究從何而起或謂鳥胡能翱翔於空中虫類卽極細亦胡以能飛於空中此顯然有模樣可做也然當人間智慧未發達時皆以虫鳥爲天地生物乃付以自然之理非人力特別組織之可能又何能做虫鳥之模樣而造極便益之器具得以自由行動而凌空駛駕耶又如蒙昧時代之人見魚游於水中潛伏動靜亦若別具方法以爲魚亦具有天生自然之理而非人力可能精造待其後有古先聖哲爲研究水之性質竟從空理而悟出實際雖不能如魚之自由於水底而能放蕩浮行於水面則其智亦大也蓋其始刳木爲舟楫猶是簡單之道具其後陸續進步而立檣張帆借風力以行走今更造輪車反藉火力而運行水面而無處不可至則舟楫之身體雖與魚異而藉此構造足以征服水族者亦先哲之妙想天開也

然旣征服水族矣獨不能爭勝利於空中乎此方法在東洋人未有思想故其學問不能發達且其原因在誤於信仰佛教而云惟神仙能騰雲駕霧一種荒謬不徵之言且著之歷史經典而若有親見其事者數千年來遂以此神仙術固結於胸中而不可解而延至今日直落於西人之後也

補肺良藥

在直隸有患十年之咳嗽咯血者爲韋廉士大醫生紅色補丸所治愈

韋廉士大醫生紅色補丸所生發潔淨稠紅之新血能使軟弱流血之肺部而得醫治有力是以其聲名洋溢平全球爲治肺病吐血之聖藥也請觀下文所載證書係近日直隸蘭州之商人魯光漢先生所遣者乃詳述其子患病



得治之始未焉然此亦不過千萬中證書之一略證韋廉士大醫生紅色補丸有治此疾之奇功耳其言曰○余子運亨現年二十有五居於錦州自幼勤讀不倦九歲時微患咳嗽延至十四歲咳嗽加劇而兼吐血延醫服藥所費不貲絕無效驗計自十四歲以至二十四歲如是者共十年矣去歲聞王兆奎先生自述其前亦嘗患是疾而得韋廉士大醫生紅色補丸所治愈者故余子即向天津中西大藥房函購是丸六瓶細閱仿單按法服之旬日之後便覺稍愈食物甘美從前面容憔悴不堪今則潤澤有光自服此丸之後孱弱之體轉爲豐盈咳嗽消除吐血亦止總之精神形骸大爲變更前後如出兩人矣數千萬男婦老幼凡由身體軟弱血污不潔以及腦筋失調所起之症獨賴韋廉士大醫生紅色補丸而得醫治者即如 血薄氣衰 胃不消化 肝經各病 背骨疼痛 頭腦漲痛 山林瘴氣 風溼骨痛 腎虧痠痛 左癱右換 腳氣衝心 乾溼癬癩

癩癰疔疹 皮膚諸症

以及婦女 月信不調 經來腹痛 背骨痠疼 頭目暈眩一切諸恙是也 韋廉士

大醫生紅色補丸中國各處商店凡經售西藥之處均有出售或直向上海九江路B字第八號 韋廉士醫生藥局中國總發行處購取亦可價銀每六瓶大洋八元每一瓶大洋一元五角 遠近郵費一律不取

上海九江路B字第八號韋廉士醫生藥局啟

商務印書館出版各書上海總發行所 分館 發售

版式大小謹遵

商務印書館恭印

欽定大清會典事例全書

進呈原本

是書前由敝館承印伏讀外務部進呈原奏有印造尙屬精工等語查王公京外大臣得蒙頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四冊分裝八十二函計會典六函事例六十四函圖畫一函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年內先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯是書自日本開國會始至今年止凡二十五期其初蒐無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四冊定價一元五角茲因諮議局不日開辦趕將前二冊先行出版後二冊七月出版預定者實價一元收到書價後即交前二冊並付收條俟後二冊出版時憑條取書特此預告外埠郵費照加

天津分館開設河北大胡同電話五百二十六號



天津商務印書館新書出版



新 發
告廣司公限有灰洋



啓者本公司係承唐山洋灰公司老廠另購外洋最新式機器旋窰等創設
新廠自丁未臘月新廠開機以來出貨加增行銷愈廣灰質經本廠西洋化驗
師悉心研究精益求精會寄由德國國家栢林及日本關東都督府各化驗所
驗得動力堅力及凝結時刻灰之粗細均合要工所用其成色與外洋最高之
貨相等尚有機器製造之缸磚花磚洋灰瓦水溝管矸子土等項無論躉零交
易均可本公司總理處設在天津海大道英租界並在東京奉天大連烟台牛
莊青島上海漢口南京鎮江各埠均設有經售處如蒙 賜訂大批價值從廉
交貨不悞期限所有洋灰及各種磚瓦等件重量式樣大概用法另刊有華洋
文廣告 光顧諸君請向本公司索閱面議一切可也
德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商尤願者移玉紫竹林法租界本
行面議可也
本行開設天津上海香港志呢華海參巖等處均設有年諸班貨物由外洋本機器廠自造磁
鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
蘭洋鐘皮套鐘天文坐卦等鐘以及金銀夾金銅鑲等表約有二百餘宗並各樣表鍊金鑲珠寶

瑞林祥元記
綢緞洋貨莊

本號開設北京前門外鮮魚口天津估依街中間路北山東濟南府院西路北自置綢
緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售
線貨織絨袍料衣包被套口袋線毯毛毯零貨均照行價發兌中外 紳商賜顧移玉是幸
瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
磁銅料器球藍 奇巧美術玩器 學界文房用品 旋行攜帶等件 精工變身物料
定織各色蓆氈 現又擴充樓房 極其寬闊高大 如蒙官商光顧 價值格外從廉
本行隨便入覽 電話一千三百七十四號 天津法租界 武齋洋行謹啓

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元九角現在老龍頭辛莊均設立分廠儲有此煤以備光顧就近相購者捷便若弗自取請賞一嘗本公司自備有安買車脚代能送去其脚力品之路途遠近現議較自僱必格外公道其各種焦炭末煤價亦從廉恐未週知特報宣聞 電話一千二百九十三號 河東糧店街廣昌公司謹白

招生廣告

爲招考事照得永定河奏設河工研究所所有頭班學員現已將屆一年畢業之期亟應續招二班官費生三十名自費生十名人所肄業官費以本河候補人員爲合格自費則各河候補人員均可入習茲限定報名自九月十五日起至十月初五日截止除牌示外合行登報俾衆週知如有願入學者速來本署報名毋得觀望自誤特告

直隸高等工業學堂招生廣告

本堂分高等科及中學科得有中學畢業或修業及高等小學畢業文憑者請自十月初一起至十一月二十九日止來河北黃緯路本堂取閱詳章報名候考試可也

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電天津三才里丁春兄鑒賑款蘭平足六千五百兩已收到敬謝蕃皓印按前項賑款內係京都恆裕金店籌賑處匯來京平銀三千兩天津官報同籌賑處公儲平銀三千五百兩分交蔚豐厚協同慶兩莊於九月初十日由津電匯甘肅今得覆電特此登告

再查甘賑已無須接濟同人公商擬即停止所有已經書捐及未書捐捐冊務望於十月初十日以前一律交回以便照刊徵信錄

天津官報局甘肅籌賑處謹啓

直隸高等學堂廣告

近奉學部行知本堂上年正科一二類畢業學生缺少第六學期考試分數以年限既合准照本省優級師範學堂缺額補行考試由提學司照會到堂本堂當以各生等畢業後或升入大學或別謀生計勢難即日調考已咨請提學司俟年假期內補試現由學司擇定試期於宣統二年正月初八日起限四日內在天津學務公所分門考試誠恐諸生就學就事散處四方未及周知特此登報佈聞諸生務於初八日以前齊集天津親赴學務公所報到以便備卷補考幸勿遲誤

工商演說廣告

啓者十月初三日晚八鐘至十一鐘仍借東宣講所內演說工商各項要理耳請李子鶴先生演說商業泛論張伯峇先生演說工商要理紀管滯先生續演工商有無調查之關係宋則久先生演說貨幣原理務希各工商屆時 惠臨入聽不取分文特先布告

天津勸工陳列所啓